

Bemelberg in eim banket sich fanden. Herr Hanns predigt herr Conradten lang und vermaint ihe, er wellt in bekeren und uf sein glauben bringen. Wie ers aber im zu lang wellt treiben, spricht herr Conradt in beisein der fürsten:
5 ›Herr, machens, wie ir wellen, so beger und will ich doch nit in eur himel.‹ Und wiewol der red domals gelachtet, noch so hett nit iederman gefallens dorab, und vermainten andere auch damit getroffen sein. Aber herr Conrad ist ein erleppter ritter, dem was hingehet und zu gut wurt uf
10 genommen, das ainem andern nit bescheh.

Aber es het graf Bernhart von Eberstain nur drei ross mit sich uf dise rais genomen, ein schreiber, hiefs Adolf, und ain jungen, war von Strafsburg, hiefs der Speckesser, und dieweil aber das rössle, so der Speckesser rit, noch
15 etwas jung, do het der grave vil sorg und grosse not mit seinen rossen, wo man ein herberg antraff, das er zu seinen drei pferdten ain aigen stall überkem, auch ob tisch ain grofs glass het und nachts ain aigens bett. Gleichwol im das uf der rais, bevorab durch das Westerreich, nit alle
20 mal gedeihen mögt. Underwegen, so man durch ein wasser rit oder die pferdt wollt trinken lassen, so war graf Bernhardten seiner ross halber [in sorg] und gab gemainlich seim schreiber, dem Adolphen, und dem Speckesser ordnung und bevelch, wo sie halten und die pferdt trinken lassen.
25 Und damit war er gar bemühet, und da einer dem Speckesser zu nahe wollt reuten, so schrei er im drewlich zu, er sollt sich hieten, damit dem schimele nichts widerfüere. Begab sich eins mals, das man aber in ainm fliefsenden wasser drenkte. Nun fürdt aber graff Bernhards schreiber ein scheffelin;
30 lin; vor im, nit fer, hielte graff Phillipsen schreiber von Hanow, Jerg Restle. Ich waifs nit, wie der schreiber von seins herren geschrai ermunderet oder erschrack, das er seim pferdt die sporen gab. Das rifs mit im durchaus, neben Jergen, schreiber, hin und fur dem kurz vor der
35 nasen hin mit dem schefelin, das es über ain zwerchfinger nit felte, er het im das schefelin durch die backen gerennt. Und da solch beschehen, glaub ich, wenig weren dessen laidig gewesen, und het sich nit übel darauf gefüegt, das graf Wilhelm von Eberstain disem schreiber das schefelin

*

22 in sorg] so etwa dürfte der satz zu vervollständigen sein. 32 ermunderet] hs. ermunderet.